

Gvangjsih Minzczu Bau

Cawiguenj: Gvangsijh Bouxcuengh Swcigih Minzczu Cunghvau Swvu Veijvenzvei

Cawjbanh: Gvangsijh Minzczu Bause

Geiz neix 8 bani

广西民族报

Aenhauh okbanj: CN45-0036

B.2023

Nd.5 Ng.10

Liggaeuq gvejmaux nienz ndwensam ngeih 'it

Geizsoq: Gungh daih 3571 geiz

Gvangjsih Minzczu Vwnzyi Cezmuz Baijyienj Cingcaij Yienjok 广西民族文艺节目展演精彩亮相

5 nyied 8 hauh, aen Hozdung Gvangsijh Minzczu Vwnzyi Cezmuz Baijyienj youz Swcigih Minzczu Cunghvau, doeksaed 《Gij Yigen Guekgya Minzvej Gvendaengz Gyagiengz Hong Vwnzva Senhconz Doicaenh Laebguh Suenranz Cing-saenz Caezmiz Cunghvaz Minzczu》caeuq gij gietdingh baijbouh Swcigih Dangjvej, Cwngfuj gvendaengz laeb-guh couqmaenh gij eiqsik caezcaemh Cunghvaz Minzczu.

Baijyienj aeu “Doidoengh Gak Minzczu Vwnzva Cienzswnj Baujhoh Cauhmoq Laebguh Suenranz Cing-saenz Caezmiz Cunghvaz Minzczu” guh cawjdaez, gungh faen baenz Angqfaengx Betgveiq, Doxgiet Gyauyungz, Caezsim Cuk Moengh sam aen biencieng. Cezmuz faenbied youz Gvangsijh 14 aen laeb gih si doisoengq, neiyungz aeu couqmaenh gij eiqsik caezcaemh Cunghvaz Minzczu guh sienqme, doedok baijok Dangj Cibbet Daih doxdaeuj Gvangsijh minzczu vwnzyi saehnieb fazcanj aeu ndaej gij cwngzgoj moq haenx.

Baez hozdung neix, doenggvaq ndadap aen bingzdaiz baijok caeuq gyaulouz vwnzyi cezmuzaed minzczu, gujli daengx gih gak dieg cau' ok

dwg vihliux cienzmienh gvancez doeksaed gij Cinghsaenz Ngeihcib Daih Dangj caeuq aen Hoih Hong Minzczu Cunghvau, doeksaed 《Gij Yigen Guekgya Minzvej Gvendaengz Gyagiengz Hong Vwnzva Senhconz Doicaenh Laebguh Suenranz Cing-saenz Caezmiz Cunghvaz Minzczu》caeuq gij gietdingh baijbouh Swcigih Dangjvej, Cwngfuj gvendaengz laeb-guh couqmaenh gij eiqsik caezcaemh Cunghvaz Minzczu.

Baez hozdung neix, doenggvaq ndadap aen bingzdaiz baijok caeuq gyaulouz vwnzyi cezmuzaed minzczu, gujli daengx gih gak dieg cau' ok



▲ Ndaw doz dwg aen vujdau cezmuzaed Baksak Si senj daeuj camgya baijyienj haenx youq gwnz daiz yienjok. (Vangz Yinz ingj/黄云 摄)

engq lai vwnzyi cingbinj miz goekdae j nanoengq vwnzva Cunghvaz, supaeu yingzyangj gak minzczu vwnzva, yungzhab yienhdaih vwnzmingz haenx, daj neix doidoengh gak minzczu vwnzva cienzswnj, baujhoh, cau hmoq, coicaenh Cunghvaz conzdungj vwnzva maenhndei cau hmoq hwnghat, laeb-hwnj caeuq doedok Cunghvaz vwnzva fuzhau caeuq yienghsienq Cunghvaz Minzczu gak minzczu caezyiengj

haenx, vih raiz roengz yendaiva yiengh Cunguek biencieng Gvangsijh ok faenh rengz hung ndeu.

Ciuq ndaejrox, baez baijyienj neix doenggvaq lai aen vangjloz bingzdaiz guh sibinz cigboq, gungh miz gaenh 2 fanh vunz youq gwnz muengx yawjgonz.

(Cauh Sisieng Liengz Yivaz Yinz Cez Veiz Yingjcin/周世相 梁玉华 任 婕 韦颖琛)

Gvangjsih Gawjdoengh Gaicawx Sawqdiemj Gensez Yunghdieg Lajmbanj Cizdij Yunghguh Ginghyingz

广西启动农村集体经营性建设用地入市试点

Geij ngoenz gonq, Gvangsijh ciuhai aen Hoih Sibinz Baijbouh Sonlien Daengx Gih Haeujlaeg Guh Hong Gaicawx Sawqdiemj Gensez Yunghdieg Lajmbanj Cizdij Yungh-guh Ginghyingz, baijcouh caemhcaiq gawjdoengh hong sawqdiemj daengx gih gaicawx gensez yunghdieg lajmbanj. Ciuq cam rox, bineix 3 nyied 1 hauh, gih raeuz Nanzningz Si Binhyangz Yen, Liujcouh Si Yizfungh Gih, Yilinz Si Bwzliuz Yen daengj 15 aen yienh(si, gih) ndaej Swyenz Swhyenz Bu dingh guh dieg sawqdiemj haeujlaeg gaicawx.

Hangh hong neix dwg hangh yinvu Dangjcunghyangh baijbouh gaijgwz hungnaek, gvendaengz leih-ik nungzminz, nangqdaengz diuz-cingj gak fuengmienh leih'ik hung-naek. Dieg sawqdiemj aeu cibfaen yawjnaek diegdeih guekgya gveihva

benhci saedhengz nangq daengz gij leih'ik bingzyaenx, diegdeih yungh guh gijmaz caeuq baenzlawz yungh diegdeih, sawjyung diegdeih haw-ciengz gaemhaed, diegdeih gaicawx gyaqcienz hwnjsang le souik diuzce, gaicawx caeuq baenz benq haifat diegdeih cwngsou gvanhaeh, gaicawx diegdeih yungh daeuj hwnqguh ranzyouq bauj hawj vunz miz ranz youq, henhoh hawciengz cawjdaej habfap gienzik, haeujnaek aen diegvih cawjdaej nungzminz daengj “bet aen vwndiz youqgaenj”; cagaenj doeksaed gyavaiq guhbaenz diegdeih guekgya gveihva benhci daegbied dwg gveihva aen mbanj saedyungh, guhsat gienzgaemmiz caeuq gienz-sawjyung diegdeih cizdij doekdingh daenggeiq daengj “song hangh diuz-gienh daeuzgonq”; giengiet cimyawj mbouj naengz dawz nungzyez yungh-

dieg cienj dem baenz gensez yunghdieg moq gaicawx, gij diegdeih hab diuzgienh gaicawx haenx mbouj ndaej dawz daeuj haifat guh sanghbinjfangz, mbouj ndaej dawz diegranz nungzminz nab haeuj gvaengx diegdeih gaicawx bae daengj “sam hangh fouqmienh cingdan”; gaenxmaenx damqra aen souik diuzce gihci diegdeih gaicawx gyaqcienz hwnjsang le ndaej giemgoq guekgya, cizdij caeuq dangqboux nungzminz haenx, caeuq baujhoh nungzminz cizdij ndij dangqboux gienzik, baujmaenh hawciengz cawj-daej nyienh yungh rox yungh diegdeih gaicawx gienz'ik baujhoh gihci daengj “song hangh gihci youqgaenj”; giengiet henmaenh diegdeih gunghyoujci singqcaet mbouj bienq, diegdeih dajndaem sienqnding mbouj doedbyoengq

caeuq leih'ik nungzminz mbouj deng sonjhaih daengj “sam diuz daejsienq”.

Gensez yunghdieg cizdij ginghyingz gaicawx, dwg gangj lajmbanj cizdij ginghci cujciz roxnaeuz haw-gienz saedhengz cawjdaej aeu aen saenfaenh boux gaemmiz diegdeih, doenggvaq aen hawciengz gaicawx diegdeih goenghai haenx, eifap dawz gienzsawjyung gensez yunghdieg cizdij ginghyingz youq itdingh nienz-hanh ndawde oknyiengh, co, gujgyaq roengzbonj(haeujguj) daengj aeu cienz fuengsik gyau hawj danhvei wnq roxnaeuz boux wnq sawjyung, caemhcaiq raiz habdoengz iekdingh caeuq boux sawjyung diegdeih gienzleih yivu.

(Dangz Gvangswngh Banh Linaz/唐广生 潘丽娜)